

## D E U T E R O N O M I.

29 Agus tarlaidh, 'nuair a bheir an Tighearna do Dhia thu stigh do'n fhearann d'am bheil thu dol g'a shealbhachadh, gu'n cuir thu am beannachadh air sliabh Gheridim, agus am mal-lachadh air sliabh Ebail.

30 Nach 'eil iad air an taobh eile do Iordan, leth re flighe dol fuidhe na gréine, ann an tìr nan Canaanach, a tha 'g àiteachadh a' chòmhnaird fa chomhair Ghil-gail, làimh re còmhnardaibh<sup>a</sup> Mhoreh?

31 Oir théid sibh thar Iordan a dhol a stigh a shealbhachadh an fhearainn a tha 'n Tighearna bhur Dia a' toirt duibh, agus fealbhaichidh sibh e, agus gabhaidh sibh còmhnuidh ann.

32 Agus bheir sibh an aire gu'n dean sibh na reachdan uile agus na breitheanais, a tha mi cur romhaibh air an là'n diugh.

### C A I B. XII.

**I**S iad so na reachdan agus na breitheanais a bheir sibhse fa'near gu'n dean sibh 'san fhearann a tha 'n Tighearna, Dia t'aithreacha, a' toirt duit g'a shealbhachadh, uile làithean bhur beatha air an talamh.

2 Léir-sgrìofaidh sibh na h-àiteachan uile anns an d'rinn na cinnich a shealbhaicheas sibh feirbhis d'an déibh, air na beannaibh arda, agus air na cnocaibh, agus fuidh gach craoibh ghlais.

3 Agus leagaidh sibh sìos an altairean, agus brisidh sibh an carraighean<sup>b</sup>, agus loisgidh sibh an doireachan le teine, agus gearraidh sibh sìos dealbhan snaidhte an dèe, agus sgrìofaidh sibh an ainm a mach as an àite sin.

4 Cha dean sibh mar sin ri an Tighearna bhur Dia.

5 Ach a dh'ionnfuidh an àite a ròghnaicheas an Tighearna bhur Dia as bhur treubhaibh uile, chum ainm a chur 'an sin, eadhon a dh'ionnfuidh àite-còmh-nuidh-san iarraidh sibh, agus gu sin thig thu.

6 Agus bheir sibh gu sin bhur tabhartais - loisgte<sup>c</sup>, agus bhur n-lobairtean, agus bhur deachamh, agus tabhartais-thogta bhur làimh, agus bhur bòidean, agus bhur faor-thabhartais, agus ceud-ghin bhur cruidh agus bhur caorach.

7 Agus ithidh sibh 'an sin 'an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlach, anns an do bheannaich an Tighearna do Dhia thu.

8 Cha dean sibh a réir nan uile *nithe* a tha sinn a' deanamh 'an so an diugh, gach duine an ni a tha ceart 'na fhàilibh féin.

9 Oir cha d'fhàinig sibh fathast a dh'ionnfuidh na fois, agus a dh'ionnfuidh na h-oighreachd a tha 'n Tighearna bhur Dia a' tabhairt duibh.

10 Ach *anuair* a théid sibh thar Iordan, agus a ghabhas sibh còmhnuidh 'san fhearann a bheir an Tighearna bhur Dia dhuibh r'a shealbhachadh, agus *anuair* a bheir e fois dhuibh o'r naimhidh uile mu'n cuairt, agus a ghabhas sibh còmhnuidh gu tèarainte,

11 'An sin bithidh àit ann a thaghas an Tighearna bhur Dia, a thoirt air ainm còmhnuidh a ghabhail ann; gu sin bheir sibh